



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-11-13646/23

Datum: 24.04.2023. godine

Na osnovu čl. 4. stav (1) tačka a), 14. stav (2) tačka a), 14a., 18. stav (1), 25., 32. stav (1), 40. stav (1) i 64. stav (1) tačka (b) Zakona o javnim nabavkama BiH („Službeni glasnik BiH”, br. 39/14 i 59/22), člana 1. tačka (a) pod (2) Pravilnika sa popisom ugovornih organa koji su obavezni primjenjivati Zakon o javnim nabavkama BiH („Službeni glasnik BiH”, broj 21/15), Plana javnih nabavki za 2023. godinu broj: 06-11-9474/23 od 10.04.2023. godine, Pravilnika o uslovima i načinu korištenja E-aukcije („Službeni glasnik BiH”, broj 66/16), člana 21. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo”, br. 14/23 i 17/23), Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo”, broj 27/19, 48/19 i 13/20), postupajući po prijedlogu sektora za boračko invalidsku zaštitu broj: 06-45-667-1/23 od 12.01.2023. godine, a na osnovu specifikacije građevinskih radova dostavljenoj od strane Stručne terenske komisije za procjenu oštećenja individualnih stambenih jedinica imenovane rješenjem ministra broj: 06-04-1687/23 od 25.01.2023. godine, ministar za boračka pitanja Kantona Sarajevo, d o n o s i

ODLUKA

o pokretanju postupka javne nabavke:

Nabavka, transport i isporuka građevinskog materijala
za pripadnike boračke populacije Kantona Sarajevo za 2023. godinu
Otvoreni postupak uz primjenu E-Aukcije

Član 1.

Odobrava se pokretanje postupka javne nabavke (robe) – nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu.

Procijenjena vrijednost javne nabavke iznosi 341.880,00 KM (slovima: tristotinečetrestjednahiljadaosamstotinaosamdesetkonvertibilnihmaraka).

Za provođenje javne nabavke osigurana su sredstva u Budžetu Ministarstva za boračka pitanja Kantona Sarajevo u odjeljku 1301 na poziciji 615200 DAU018 „Pomoć za rješavanje stambenih potreba boračke populacije“

Javna nabavka će se provesti putem otvorenog postupka, primjenom E-aukcije u skladu sa Pravilnikom o uslovima i načinu provođenja E-aukcije („Službeni glasnik BiH”, broj 66/16) uz zaključivanje okvirnog sporazuma sa jednim ponuđačem.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Evidencioni broj javne nabavke : **44100000-1 (Građevinski materijal i pridruženi artikli)**



Član 2.

Tenderska dokumentacija će biti objavljena na Portalu javnih nabavki zajedno sa obavještenjem o nabavci.

Član 3.

Kriterij za odabir najpovoljnijeg ponuđača je najniža cijena.

Član 4.

Nakon okončane procedure javne nabavke, sa jednim izabranim ponuđačem će se zaključiti okvirni sporazum sa trajanjem do 31.12.2023. godine, odnosno najduže do godinu dana od dana zaključivanja.

U okviru uslova iz okvirnog sporazuma sa izabranim ponuđačem će se zaključivati ugovori za svaku pojedinačnu isporuku, a prema dostavljenim spiskovima.

Član 5.

Otvaranje i ocjenu ponuda provest će Komisija za javnu nabavku.

Član 6.

Istraživanje tržišta i izradu Specifikacije potrebnih količina i vrsta građevinskog materijala sačinila je Stručna terenska komisija za procjenu oštećenja individualnih stambenih jedinica, imenovana Rješenjem ministra broj: 06-04-1687/23 od 25.01.2023. godine.

Član 7.

Za realizaciju ove javne nabavke zadužuje se Sektor za boračko invalidsku zaštitu u saradnji sa Sektorom za ekonomske poslove i projekte Ministarstva za boračka pitanja Kantona Sarajevo.

Član 8.

Ova Odluka stupa na snagu danom donošenja.

O b r a z l o ž e n j e

Sektor za boračko invalidsku zaštitu ministarstva na pismeni zahtjev Sektora za ekonomske poslove i projekte ministarstva je dostavio prijedlog za pokretanje postupaka javnih nabavki broj: 06-45-667-1/23 od 12.01.2023. godine, te između ostalih postupaka i prijedlog za pokretanje postupka javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu.

U postupku po prijedlogu sektora za boračko invalidsku zaštitu ministarstva i dostavljenom specifikacijom sačinjenom od strane Stručne terenske komisije za procjenu oštećenja individualnih stambenih jedinica, imenovane Rješenjem ministra broj: 06-04-1687/23 od 25.01.2023. godine, utvrđeno je da je isti osnovan i da sadrži sve potrebne elemente za odlučivanje, u skladu sa čl. 18. stav (1) i 25. Zakona o javnim nabavkama BiH („Službeni glasnik BiH“, br. 39/14 i 59/22) i Pravilnikom o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, br. 14/23 i 17/23).

Namjera je da se navedena sredstva utroše za nabavku, transport i isporuku građevinskog materijala za potrebe sanacije, rekonstrukcije i adaptacije stambenih jedinica pripadnika boračke populacije sa



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

područja Kantona Sarajevo, a koji ispunjavaju uslove propisane Zakonom o dopunskim pravima boraca-branitelja Bosne i Hercegovine ("Službene novine Kantona Sarajevo", broj 33/22), Pravilnikom za utvrđivanje prava na jednokratnu bespovratnu dodjelu sredstava za rješavanje stambenih potreba ("Službene novine Kantona Sarajevo", broj 5/21).

Predmet javne nabavke neće biti podijeljen na lotove, te postupajući u skladu sa članom 23. stav (2) Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, broj 27/19, 48/19 i 13/20), obrazložemo razloge.

Naime, u ovom postupku javne nabavke se nabavlja uobičajeni građevinski materijal koji nude svi ponuđači koji se bave prevozom i prodajom građevinskog materijala, tako da dodatna podjela na lotove neće poboljšati konkurentnost.

Nadalje, radi se o velikom broju korisnika sa vrijednosno relativno malom količinom građevinskog materijala koji se transportuje na adrese, gdje transport ima značajan uticaj na cijenu, odnosno podjelom na lotove bi se po istom korisniku roba prevozila u više navrata, a što bi bilo neracionalno, odnosno ista količina materijala bi bila isporučena po većoj cijeni, te bi pomoć dobio manji broj korisnika.

Pri donošenju ove Odluke Ministar se posebno rukovodio činjenicom da je predložena nabavka planirana Planom nabavki za 2023. godinu – pod stavkom 1, da je izvršeno istraživanje tržišta od strane Stručne terenske komisije za procjenu oštećenja individualnih stambenih jedinica imenovane rješenjem broj: 06-04-1687/23 od 25.01.2023. godine koja je sačinila i specifikaciju potrebnog građevinskog materijala, kao i istraživanjem od strane Sektora za ekonomske poslove i projekte ministarstva, da je realno procijenjena njena vrijednost na tržištu, obezbijedena sredstva za isplatu, predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove Odluke.

Dostaviti:

- Sektoru za ekonomske poslove i projekte ministarstva
- a/a



